



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. Avrelii Avgvstini Hippoensis Episcopi Et S. R. E.
Doctoris Vita**

Lancilottus, Corneille

Antverpiæ, 1616

Cap. II. Augustinus puerulus ludimagistro traditur, fabulis delectatur, & à
Græcis literis est alienior, quas prouectior demum amplectitur.

urn:nbn:de:hbz:466:1-42857

contra mortem vita; præbent enim Augustini scripta præsentissimum antidotum contra Pelagianę in primis heresios venena. Ac Pelagius quidem, si utriusque patriæ situm attendamus, non incommodè per Aquilonem significari videtur, vnde omne malum, & tenebrae: verùm Augustinus (iuxta B. Vincentium Ferrerium) aptè potest intelligi per aureum templi candelabrum, quod in parte fuit Australi, in quā etiam Africa, nimirum ut lucernæ Boream versus respicientes, ab eo tenebras depellerent.

Serm. de
S. Aug. n. 8.

Quæ res admirabilem Dei prouidentiam Mirabilis non obscurè demonstrat, cuius est Ecclesia Dei circa Eccl. si. am suam, dum in vnâ parte decoloratur, prouidetia. in alterâ vicissim illustrare.

C A P V T I I .

Augustinus puerulus ludimagistro traditur, fabulis delectatur, & à Græcis literis est alienior, quas prouectior demum amplectitur.

PVERVLVS à parentibus ludimagistro traditus est bonis artibus imbuendus. *Augustini pueritia.*
Verùm, vt fit per eam ætatulam, lusibus congressuque æqualium gaudens, nihil minus quam literas curauit: adeò vt à præceptoribus inuitari primùm, dein minis ac plagis ad discendum compelli debuerit.

A 3

Quod

Quod tamen in discendo tedium alacriter demum superauit, Latinæ syntaxeos studio delectatus; quod à teneris vnguiculis, Latinas aliquot voces à nutrice didicerat.

*Fabulis de-
lectatur.*

Ac præcipue iam puer fabulis tenebatur, quæ de Troiano equo, Troiæque subuersione referebantur, de varijs erroribus Æneæ, de impotenti Didonis amore, misericordiæ Reginæ morte: quæ huiuscemodi, siue res gestæ, siue Poëtarum commenta mædacijs calamistrata cum verborum elegantiâ, mirum quâm facile, quamque dulciter à pueris audiantur. Itaque se Didonis illacrymasse fato narrat, dum

*Lib. 4. Ae-
neidos.*

— pallida morte futurâ
Interiora domus irrūpit limina, & altum
Conscendit moritura rogum:

— illam inter talia ferro
Collapsam aspiciunt comites, ensimq; cruce
Spumantem, sparsasq; manus. —

*Lib. 1. Cō-
fessi. cap. 16.
Fugienti
Poëta la-
sciari.*

Hinc fabulis impeditum, se maioribus rebus non vacasse, serio queritur. Præsertim verò quorumdam Poëtarum lasciuiam grauiter reprehendit, qui sub verborum melle pueris venena propinant, cùm de dijs suis nefanda, & tenellis auribus indigna referunt: in quibus peccandi faciunt illecebram ipsorum deorum exempla, dum quæ turpiter ab ipsis facta vident mortales, imitari

tari non erubescunt: ut ille flagitosus adolescens apud Terentium, qui dum tabulâ ^{In Euon-}
pietâ in pariete fabulam Danaës contem-
platur, Iouem sibi ad peccandum exemplar facit. Quare non iniuriâ Plato, Repub.
suâ totum hoc genus hominum exclusit:
vti quoque Grammatici probi seuerè ca-
uent, ne adolescentes similium spurcarum
rerum lectione inficiantur.

Libuit seriùs istud Augustino mirari hu- ^{Queritur}
manæ cæcitatis argumentum in nonnullis ^{Augustinus}
Grammaticis, qui stribiliginē omnem at- ^{Gramma-}
que barbariem, vt Scyllam & Charybdim ^{ricos magis}
exhorrescere discipulos docent; eidem, ne ^{cavere vi-}
in teterima morum vitia deferantur, nihil ^{tia verborū}
rum. ^{quam mo-}
pensi habent. Vide, inquit, Domine Deus, Lib. I. Cō-
patienter ut vides, vide, quomodo diligenter fess. c. 18.
obseruent filij hominum pœcta literarum &
syllabarum, accepta à prioribus locutoribus &
à te accepta æterna pœcta perpetua salutis
negligant: ut qui illa sonorum vetera placi-
ta teneat, aut doceat, si contra disciplinam
Grammaticam sine aspiratione prime syllabæ,
ominem dixerit, magis displiceat hominibus,
quam si contrata pœcepta hominem oderit,
cum sit homo. Ceterum cum literis, Latinis
illis quidem, Augustino id temporis ita
conueniebat: nam à Græcanicis vehemen-
ter alienus, nec verbis nec verberibus ad-

A 4 duci

8 DE VITA D. AVGVSTINI

duci potuit, ut eas addisceret. Ob eam cre-
do rationem, quam Ausonius de simili
profert,

— neque disciplinis
Appulit Græcis puerilis æui
Noxius error.

*Lusui de-
ditus.*

Prouectior autem eas didicet, ægtiusculè fe-
rens, quod per eam ætatem non didicisiet,
quæ literis ijs fuerat opportunior. Interim
& lusus auocabant, quorum erat ipse quām
ludi studiosior, & huiusc rei gratiâ paren-
tibus & præceptoribus non semel impo-
suit: nempe quod plerique faciunt adole-
scētuli, tempus otio conterens, relictisque
vtilibus, ad pilas & crepundia conuersus.

CAPVT III.

Augustinus adhuc puer morbis obnoxius
Baptismum expedit.

*Puer vale-
tudine est
superiore.*

V ALETVDO corporis, cùm adhuc tenerâ
effet ætate, non satis illi constabat:
quin & grauiore stomachi morbo exerce-
batur. Quamobrem sedula mater eius, ve-
rita ne si quid humanitus accidisset filio,
periculum æternæ salutis adiret, quod non-
dum erat sacro Baptismate renatus; etiam
contendit, ut primo quoque tempore ab-
lueretur. Quæ res, Augustino simul effla-
gitante Baptismum, tantum non est perfe-
cta: